

勅修河東鹽法志目錄

卷一

鹽池

禁垣

卷二

畦地

種治

渠堰

山澤

灘地

卷三

引目

課額

商人

卷四

支掣

運程

卷五

律例

卷六

鹽法

官職

卷七

官職

卷八

運城

公署

積貯

池廟

祥異

運學

武備

卷九

宦蹟

人物

卷十

疏議

卷十一

藝文

卷十二

藝文

勅修河東鹽法志卷之三

引目

引導鹽以行者也鹽出場而無引謂之私鹽故
鹽引不相離若鹽與引相離以及舊引影射者
皆同私鹽法鹽法之清全在於引志引目

大清會典河東歲額正改鹽四十一萬七千四百
四十三引內除太汾遼沁四萬三千九百八十
五引鳳翔一萬六千三百引商人實行引三十
五萬七千一百五十八道內有更名變價引二

千一百七十餘道乃明藩封官吏食鹽

國朝定鼎革明時藩封之食鹽變價以充正賦又

有西安加增引二萬二千九百六十七道引名

雖殊其實皆商人行銷之引也此三十五萬七

千一百五十八道舊例揭存三引爲解安引以

一百一十七引而支一百二十引之鹽雍正七

年部頒引八千七百道每名添足三引以符一

百二十引爲一名之數增解安引八千七百引

招商行銷雍正八年長武請照鳳翔例行銷應

增額八百四引共額四十二萬六千九百四十七引又因額引不敷行銷部頒餘引十萬道又增餘引二萬五萬不等皆由

聖世生齒日繁食鹽日衆私鹽不行官鹽易銷也行河東之引者三省曰山西曰河南曰陝西河南省則南陽河南二府屬汝陝二州屬與許州之襄城皆行河東之引而食河東池鹽山西省惟平陽潞安澤州蒲州四府屬解絳吉隰四州屬行河東引而食河東鹽太原汾州寧武三府屬

遼沁平保忻代六州屬皆食本處土鹽領河東之引而不食河東之鹽名曰鹽稅陝西省惟西安一府屬興安同商華耀乾那七州屬領河東之引而食河東之鹽其鳳翔府屬皆食花馬池鹽名曰鳳課與西安長武皆領河東之引而不食河東之鹽是三省領引州縣共一百七十三處實行商鹽者一百二十二處額引四十二萬六千九百四十七引商人實行引三十六萬五千八百五十八引謹將三省州縣引口分晰開

後

山西省額引二十二萬三千一百六引

太原府

屬一州十
縣食土鹽

陽曲縣額行三千八引

太原縣額行二千四十八引

榆次縣額行三千四百五十三引

太谷縣額行一千八百四十四引

祁縣額行一千五百五十四引

徐溝縣額行六百五十七引

清源縣額行七百三十五引

文城縣額行一千九百五十六引

文水縣額行二千二百五十引

岢嵐州額行一百五十四引

嵐縣額行二百七十九引

平定州

屬三縣
會土鹽

本州額行八百六十二引

樂平縣額行二百六十四引

孟縣額行一千七百二十八引

壽陽縣額行二千三百三十八引一百觔

忻州

屬二縣
食土鹽

本州額行二千三十九引一百觔

定襄縣額行八百六十引

靜樂縣額行六百二十五引

代州

屬三縣
食土鹽

本州額行四百七十三引

五臺縣額行五百八十一引

繁峙縣額行二百八十一引

崞縣額行一千三百三十一引

保德州

屬二縣
食上鹽

本州額行一百九十四引

河曲縣額行一百五十一引

興縣額行三百六十五引

寧武府

屬二縣一
路食土鹽

寧武縣額行一百四十引

神池縣額行八十引

寧武鹽捕同知西路額行一百七十引

汾州府

屬一州七縣
食土鹽

汾陽縣額行二千四百六十五引

平遙縣額行二千九百五十一引

介休縣額行二千九百一十二引

孝義縣額行五百五十三引

臨縣額行一百九十五引

永寧州額行四百四十七引

寧鄉縣額行一百五十一引

石樓縣額行五百二十引

遼州

屬二縣
食土鹽

本州額行八百三十引

榆社縣額行三百六十八引

和順縣額行三百七十一引

沁州

屬二縣
食土鹽

本州額行七百七十四引

沁源縣額行四百一十三引

武鄉縣額行六百一十四引

以上共四十二州縣額引四萬三千九百八十

五道係鹽稅皆領河東之引而不食河東之鹽
領引繳引皆係管鹽同知知州

平陽府

屬一州
十縣

臨汾縣額行八千四百五引

洪洞縣額行八千五百一十八引

浮山縣額行一千一百七十九引

趙城縣額行三千五百八十七引

霍州額行一千一百七十九引

岳陽縣額行六百九十七引

曲沃縣額行八千四百五引

翼城縣額行五千一百七十六引

聞喜縣額行四千二百二引

絳縣額行三千四百五十四引

靈石縣額行一千四百八十六引

蒲州府

屬五縣

永濟縣額行六千六百六十二引

臨晉縣額行四千二百五十四引

榮河縣額行二千七百六十七引

猗氏縣額行三千四百八十五引

雍正八年於遵

旨查議事案內減額一千七百引令山西能銷鹽地方輪坐加增作餘引行銷該縣存額一千七百八十五引

萬泉縣額行一千五百八十九引

解州

屬五縣

本州額行三千四百引

安邑縣額行五千三百引

解安引歷年俱不招商行銷虛貯在庫俟奏銷時搨扒截角繳部雍正七年巡鹽御史碩色以解安額引應歸解安行銷等因具

題請召商領辦

勅下部議部覆解安額引仍歸解安行銷其三省商人領銷引張按照一百二十引爲一名實數掣鹽運銷所增鹽引八千七百道照數刷印發與該鹽政自雍正七年爲始給商行運至解安額引召募殷實商人領辦倘有未銷餘引於該年

奏銷時據實聲明將所存原引隨冊繳部查核
可也奉

旨依議

夏縣額行五千二百四十八引

垣曲縣額行一千七十六引

平陸縣額行一千二百三十引

芮城縣額行二千二百四引

絳州

屬四縣

本州額行五千二百二十七引

稷山縣額行四千四百五十九引

雍正八年於遵

旨查議事案內減額一千八十七道令山西能銷鹽
地方輪坐加增作餘引行銷該縣存額三千三
百七十二道

襄陵縣額行五千四百八十四引

河津縣額行三千七十五引

太平縣額行四千四百七引

吉州

屬二縣

本州額行五百六十四引

蒲縣額行二百八十七引

鄉寧縣額行六百三十五引

隰州

屬三縣

本州額行一千二百三十引

大寧縣額行二百四十六引

汾西縣額行九百六十九引

永和縣額行一百八十四引

潞安府

屬八

長治縣額行一萬一千六百七十九引

長子縣額行五千九百三十九引

屯留縣額行三千六十五引

襄垣縣額行四千三百六十三引

潞城縣額行二千八百五十二引

黎城縣額行二千五百七引

壺關縣額行三千七百六十一引

平順縣額行一千六百一十二引

澤州府 屬五

鳳臺縣額行一萬一千六百四十五引

高平縣額行九千三百三十四引

陽城縣額行五千一百六十五引

陵川縣額行四千七百七十七引

沁水縣額行二千一百五十二引

以上共四十七州縣實行額引十七萬九千一

百二十一引皆行河東鹽係商辦

陝西省額引共一十二萬四千七百一引

西安府

屬十
四縣

咸寧縣額行八千五十三引

長安縣額行六千九百八十一引

涇陽縣額行五千七百七十五引

三原縣額行三千五百八十七引

富平縣額行五千三百六十七引

渭南縣額行七千四百四十六引

臨潼縣額行三千八百九十五引

藍屋縣額行三千五百六十二引

醴泉縣額行二千六百六十五引

藍田縣額行三千一百三十六引

高陵縣額行三千一百五十引

雍正八年於遵

旨查議事案內減額一千三百一十八道輪坐加增
令陝西能銷鹽地方作餘引行銷該縣存額一
千八百三十二道

興平縣額行二千五十引

咸陽縣額行二千三百三十五引

鄠縣額行一千七百八十五引

商州

屬四縣

本州額行一千三百三十二引

鎮安縣額行二百八十七引

雒南縣額行六百一十五引

山陽縣額行三百八引

商南縣額行二百五引

興安州

屬六縣

本州額行八百六十九引

石泉縣額行二百五十八引

洵陽縣額行四百一十引

漢陰縣額行四百一十引

紫陽縣額行一百三引

平利縣額行十引

白河縣額行十二引

同州

屬四縣

本州額行三千七十五引

朝邑縣額行五千五十八引

郃陽縣額行五千二百六十引

澄城縣額行二千八百七十引

韓城縣額行三千七十五引

華州

屬三縣

本州額行三千二百七十四引

華陰縣額行二千九十六引

蒲城縣額行七千三百七引

潼關縣額行一百三十六引

耀州

屬二縣

本州額行八百六十引

同官縣額行三百五十九引

白水縣額行一千一百五十引

乾州

屬二縣

本州額行二千八百四十八引

武功縣額行一千四百九十六引

永壽縣額行四百二十四引

邠州

屬三縣

本州額行一千四百三引

三水縣額行六百一十五引

淳化縣額行一千二十五引

長武縣額行八百零四引

長武歷年食花馬池鹽不食河東鹽雍正八年
照鳳課例行銷增引八百四道其原額六百六
十道輪坐加增令陝西能銷鹽地方領作餘引
行銷

以上共四十五州縣實行額引一十萬八千四
百零一引皆食河東池鹽係商辦

鳳翔府

屬一州七縣食
花馬池鹽

鳳翔縣額行一千六百五引

寶鷄縣額行三千二百八十一引

岐山縣額行二千九百九十七引

扶風縣額行五千八百一十三引

郿縣額行一千八百一十八引

麟遊縣額行六十八引

汧陽縣額行一百二十九引

隴州額行五百八十九引

以上八州縣額引一萬六千三百引名鳳課皆

領河東之引而不食河東之鹽領引係知府領
發州縣繳引亦係州縣

河南省額引七萬九千一百四十引

河南府

屬十
一縣

洛陽縣額行四千四百七十七引

偃師縣額行二千六百九十九引

鞏縣額行一千七百八十八引

孟津縣額行一千七十三引

宜陽縣額行六百八十三引

登封縣額行三千一百二十七引

永寧縣額行一千四十一引

新安縣額行八百五十一引

澠池縣額行一千二百九十五引

嵩縣額行一千八百一十二引

盧氏縣額行五百七十二引

陝州

屬二縣

本州額行一千四百二十六引

靈寶縣額行五千六百二十三引

閩鄉縣額行三千九百五引

南陽府

屬二州
九縣

南陽縣額行四千七百五引

唐縣額行四千九百七引

泌陽縣額行三千二百九十六引

鎮平縣額行四千八百一十六引

桐柏縣額行七百七十三引

鄧州額行六千五十七引

內鄉縣額行二千八百八十一引

新野縣額行三千三百八十九引

淅川縣額行一千八百五十四引

裕州額行一千三百七十七引

葉縣額行二千二百八引

汝州

屬四縣

本州額行四千一百七十七引

魯山縣額行一千四百五十引

郟縣額行三千一百二十八引

寶豐縣額行七百四十三引

伊陽縣額行七百五十一引

許州

屬一縣

襄城縣額行二千二百五十六引

以上共三十一州縣實行額引七萬九千一百四十引皆食河東池鹽係商辦

按引之名始於宋雍熙二年令河東北商人如要折博茶鹽令所在納銀赴京請領交引而引之名始顯天聖時大席受以要券卽池驗券按數而出而用引照鹽之法始詳元每鹽一引重

四百觔憲宗壬子年增撥一千八十五戶歲撥
鹽一萬五千引至元十年辦鹽六萬四千引二
十九年減一萬引令入京兆鹽司添辦大德十

一年增歲額爲八萬二千引至大元年又增煎

餘鹽爲二萬引通爲十萬二千引延祐六年增

餘鹽五百料實計撈鹽十八萬四千五百引明

洪武初每引四百觔後分一引爲二引而以四

百觔者爲大引二百觔爲小引名改辦小引每

引行鹽二百觔河東歲辦課鹽六千八十萬觔

合存積常股戶鹽三項共成三十四萬引所謂
存積乃現積在場遇有邊儲急用納價放支不
拘資次者常股乃常年派數以年例開中納價
放支必俟先後者戶鹽則派支各項食鹽所餘
並與常股聽商報中者弘治間每歲辦鹽四十
二萬引內常股鹽二十九萬四千引存積鹽一
十二萬六千引至萬曆年歲辦小引鹽六十二
萬引萬曆十六年將開歸二府改屬長蘆行鹽
乃減引一十五萬又減免所增食鹽五萬照舊

止存額引四十二萬後又增鹽一萬二千引以充兵餉

國朝龍興革去明季之浮加順治三年將官吏食鹽三千二百引爲更名食鹽變價解部共行額引四十萬九千九百三十三引順治十三年因兵餉不敷增引十萬十六年將所增十萬新引減去應徵課銀加於舊額引價之中而河東歲額仍行四十萬九千九百三十三引康熙十七年科臣余國柱請令遇閏增課之例平鹺政以

佐軍需本年閏三月核加閏引三萬四千一百六十二引十九年有閏照加二十一年

恩詔停免康熙十八年陝西道御史傅廷俊以商引之歲額有限竈鹽之歲產無窮請

勅清查竈鹽酌加商引於陽曲等四十州縣按丁加引一萬七千四百六十二引西安府屬按丁加引二萬二千九百六十七引康熙十九年又議於陽曲等四十州縣按丁復加四千三百三十引二引是年除閏引不計之外河東實共行引四

十五萬四千六百九十四引康熙二十四年懷慶改食蘆鹽除商引三萬七千二百五十一道撥歸長蘆行鹽河東共存額引四十一萬七千四百四十三道河東從前引之外有票嘉靖間因太汾所屬州縣山路崎嶇商運難至許行土鹽給票收稅每鹽百觔給票一紙聽其轉販於岢嵐保德河曲諸處惟平定代石十州縣地里稍平令行引鹽而商亦不至遂從御史趙睿之議查覈州縣戶口食鹽之數計口派鹽給票收

稅先後增加共給鹽票一十一萬五千五百七十九張抵作一萬六千三百二十引萬曆三十七年臺臣議稱引票兼行互相影射大爲弊竇宜令行票之地盡復行引庶頭緒不多稽察爲便而百勛納稅之票遂停又河東採鹽之法有二一爲官丁撈採之鹽鹽丁撈鹽在場商人納課領引支鹽發賣此官鹽之用引者也一爲商人撈採之鹽商人自備工本撈鹽百引內分七十引於官照常納課領引行銷許存三十引在

商抵作搬鹽工本不必納課請引止給官票照
賣

國朝順治十年將工本商鹽盡裁以疏有引官鹽
河東遂無行鹽以票之例矣至於河東行鹽地
方柳宗元則言西出秦隴南過樊鄧北極燕代
東逾周宋崔敦則言止於中州濟於橫汾爰距
隴坂東下京鄭而抵於宛皆以唐之行鹽幅員
而言也後周世宗以食末鹽之地犯私多於顆
鹽末鹽煎凍搬運費用倍於顆鹽乃割曹宋以

西十餘州令食顆鹽宋制顆鹽以給本州及三
京京東之濟兗曹濮單鄆州廣濟軍京西之滑
鄭陳潁汝許孟州陝西之河中府陝虢州慶成
軍河東之晉絳慈隰州淮南之宿亳州河北之
懷州及澶州諸縣之在河南者其通商之地京
西則蔡襄鄧隨唐金房均郢州光化信陽軍陝
西則京兆鳳翔府同華耀乾商涇原邠寧儀渭
鄜坊丹延環慶秦隴鳳階成州保安鎮戎軍及
澶州諸縣之在河北者舊制河南北曹濮以西

秦鳳以東皆食解鹽自仁宗時解鹽通商官不復權熙寧中市易司始權開封曹濮等州八年人理寺丞張景溫提舉出賣解鹽於是開封府界陽武酸棗封邱考城東明白馬中牟陳留長垣胙城韋城曹濮澶懷濟單解州河中府等州縣皆官自賣未幾復用商人議以唐鄧襄均房商蔡邕隨金晉絳虢陳許汝穎隰州西京信陽軍通商畿縣及澶曹濮懷衛濟單解同華陝河中府南京河陽令提舉解鹽司運鹽貨鬻時皮

公弼沈括等言官賣當罷於是河陽同華解州
河中陝府陳畱等處聽通商其入不及官賣者
官復自賣詔用其議又以唐鄧商均等十一州
爲在京入納金銀交引地分永興鳳翔等二十
五州爲陝西入納糧草交引地分熙寧中患蜀
井鹽不可禁欲盡實私井而運解鹽以足之沈
括以爲不可遂寢九年劉佐入蜀歲運解鹽十
萬席未幾罷之明會典載河東行鹽地方陝西
省則西安漢中延安鳳翔四府河南省則歸德

懷慶河南南陽汝寧五府汝州山西省則平陽潞安二府澤沁遼三州嘉靖二十七年議准惟汝州并所屬四縣行本司鹽其餘十三州縣兼行本司並淮北鹽三十一年議准河東鹽法引目增入太原大同字樣行令二府一例行鹽隆慶元年巡按御史蘇朝宗條奏淮安廬鳳河南南陽汝寧陳州係淮北行鹽地方載在銅版與鹽法志近南陽十二州縣爲河東所侵迄今未復今淮北商人告困無利可趨宜查照舊界將

南陽所屬地方悉行淮鹽以充國額隆慶二年
山西巡鹽趙睿條奏河東課少利微宜定議南
陽十二州縣仍行解鹽陝西延鳳所屬法禁人
弛退引多繳者比照浙直會選富民爲積鹽鋪
戶聽其承買轉販所至地方官吏仍查覆引目
勿容他鹽入境則分地定而鹽利通戶部覆奏
從之九月總理屯鹽都御史龐尙鵬請令南召
內鄉新野淅川裕州葉縣專行解鹽著爲令從
之初上用撫臣龐尙鵬議將河東行鹽地方南

陽鎮平唐鄧泌陽桐柏六縣改行淮鹽河東巡
鹽部永春言南陽汝寧二府據銅版則兼行淮
鹽據會典則專行解鹽往年鄆懋卿建言將汝
寧舞陽分屬淮北非兼行初意乃又中分南陽
是續淮商之一指而斷解商之肩背失平甚矣
夫利不百者不變法今法一變而解商告急者
相屬於道鹽引日壅額課日損尙鵬議不便上
然之隆慶四年令河南南陽府所屬鄧唐十二
州縣改鑄銅版仍屬河東行鹽地方漢中延安

二府改食池鹽又令山西太原府所屬陽曲等
十州縣并汾州及所屬三縣共十四州縣以後
通食票鹽每票抽稅六分責令屯鹽道督理完
解運司每年終巡鹽御史題解戶部濟邊其關
防稽查之法悉照鹽法則例舉行其原派陽曲
等十四州縣引目准令攤河東運司行鹽地方
萬曆十七年將開歸二府改隸山東長蘆四十
一年鳳翔府屬改食花馬小池仍在河東納課

領引

國朝順治二年立河東鹽法本年巡鹽御史劉今
尹以申明轄屬題稱陝西之平涼慶陽乃食花
馬小池之鹽山西太原汾州乃食本地煎鹽魯
皆河東所轄以其與河東相近也若河南之汝
寧府逼近淮境係食淮鹽陝西臨洮鞏昌係食
西和漳鹽皆有該管衙門舊非河東所轄以其
與河東俱有二千餘里之懸隔也乞照成規將
太汾二府并陝西之平慶一府行臣督理其食
淮鹽之汝寧食西和漳鹽之臨鞏仍行各原屬

整飭部議准將汝寧歸轄兩淮臨鞏就近歸轄
甘肅巡按今按臣停差引課責歸撫臣而本院
止一察核入之奏報而已

大清會典開載河東地方山西太平潞汾大五府
遼沁澤三州陝西西鳳二府興安一州河南河
南南陽二府汝州襄城二州縣是統三省行鹽
地方與納稅課地方而言也順治十三年垣臣
王紀直陳鹽法之弊兼陳救弊之方內中一條
請均引目題稱宜將行鹽地方見在戶口應銷

引目酌派適均每俟十年審丁仍照戶丁每屆酌定則引不偏枯議下巡鹽御史酌覆時御史朱紱覆稱合照賦役全書丁口數目令各省布政司將領引額丁通盤打筭均勻派銷

俞旨准行未經均定御史焦毓瑞順治十四年接任以河南俱食解池商鹽易於均派外其山西太原遼沁例食本地土鹽食解鹽者平潞二府澤州一州陝西鳳翔例食花馬池鹽食解鹽者西安一府興安一州在行解池商鹽者州縣止有

督銷之責而納課之責在商若行土鹽并花馬池鹽之處則銷引納課之責成并在州縣事例原有不同丁引難以互通據各藩司議照事例分晰酌量情理畧爲增減具題部議應如所請遵定派引刊冊以永遵守康熙十年御史布舒疏請汾州七縣俱食本地土鹽獨有石樓一縣行銷解鹽道路阻長行運維艱請照改土鹽商民兩便部議自十一年准其改食是以商行引課改爲縣徵鹽稅又康熙四年有河南懷慶民

人沈澄等以懷民代商賠課懷地銷引無鹽奏
稱懷慶路抵解池中隔太行一山崎嶇之徑六
百餘舟船不通車輛難載肩挑背負安能照額
運行近來解池湮沒粒鹽不至國課又不敢虧
欠百姓典兒賣產買引繳而又淡食查開封一
府向來亦食解鹽明季因從民便改食長蘆見
與彰德衛輝同銷蘆引而懷慶與彰衛相接河
道直可運至新鄉分運懷屬地止三五十里改
食蘆鹽商無陸運之苦民無賠課之累上請遂

有解商場四德以沈澄圖私變法奏訐反有淮
民孟見知等以楊四德串通瞿濟民奏中假稱
情願運鹽孟津發賣以便懷民赴買等語在小
民升合食鹽豈有向百里以外渡河買食之理
明欲高價害民具本覆奏部將三疏請

勅下三省總督河南巡撫會同長蘆河東鹽院查審
會疏題覆隨據覆稱河東鹽商例止在池種鹽
多俟地方土商販回任賣土販少則引不足額
有司督催里長銷引爲累故有改食長蘆之奏

請今解商情願運至各縣鎮開店賣鹽商運商
銷永不累民已經公立合同各相允議遂爾結
案康熙二十四年河南巡撫王日藻以再請懷
屬改食蘆鹽疏引便民具

題部議以該撫所稱河鹽運道崎嶇兼又解池積
水無鹽可賣改食長蘆旣便民食又使

國課早完應如該撫所請將懷慶府屬歸長蘆行
銷奉

旨依議以上河東額引行銷之州縣也而引之式則

戶部鑄造銅版刷印引目上鈐戶部堂印下鈐
山東司印及頒發到司又鈐運司印信凡商人
納課五十兩謂之一錠給引一百二十張謂之
一名卽於引目填寫商名揭省縣扒赴場支掣
大使在禁門截第一角掣畢出場截第二角揭
門扒起運揭吏扒運發到地州縣驗明引鹽截
第三角鹽銷完截第四角州縣鈐印呈巡鹽御
史鑿孔發運司彙繳戶部明永樂時運司給客
商引日每引納中夾紙一張至關引之時類解

戶部倒引正統時令各運司提舉司徵解商人
引紙每一百張收銀三錢今隨課徵收每引徵
銀三釐領引時差吏赴戶部交納凡引貯庫未
搨省縣扒謂之生引以其未拘定行鹽地方也
搨扒報掣謂之熟引截角鑿孔謂之退引又謂
之殘引從前鹽引通融奏銷以三年爲期及至
奏銷或那後補前或移甲換乙不拘年分惟期
每年起解引四十一萬七千四百四十三道之
數便可足額然截清年分按年奏銷實多虧缺

雍正七年奉

旨按年銷引停止通融雍正八年巡鹽御史碩色奏
請自雍正八年爲始如雍正七年之引至雍正
八年六月內清查奏銷十月解部部議應如該
鹽政所請嗣後總以上年額引次年按月清查
報解著爲定例奉

旨依議

引式附後

戶部爲鹽法事山東清吏司案呈照得河東鹽法題

准各項事例已經通行遵奉訖所有引目除場竈丁人守禦官
吏軍民權豪勢要官運鹽貨偷取插和場戶運鹽攜帶軍
器諸人買食私鹽載鹽不用官船七款另文申飭外其題
定鹽劬繳引二款并行鹽地方合行開列鑄造銅版印刷
給付客商收執照鹽前去發賣施行須至引者

一河東運司凡客商賣鹽每引淨鹽二百劬爲一引給
半印引目每引先納引價隨即支鹽運賣

一凡客商與販鹽貨不許鹽引相離違者同私鹽追斷
如賣鹽畢三日內不繳退引者杖六十將舊引影射

鹽貨同私鹽論罪偽造鹽引者處斬

一行鹽地方

山西平陽府 潞安府 澤州 太原府 汾州府

遼州 沁州

河南南陽府 河南府 汝州 開封府襄城壹縣

陝西西安府

右引付客商 收執照鹽准此

雍正 年 月 日

部 押

勅修河東鹽法志卷之三

課額

聖主撫御萬邦時以恤商愛民爲念衆商感戴

皇恩共以急公報効爲忱蓋以商行一名之引官收
一名之課民得一名之食

國計民生均有裨益也志課額

河東歲額正雜課一十七萬一千七百二十八
兩八錢一分六釐零內除太汾遼沁鹽稅鳳課
二萬三千八百三十七兩二錢一分五釐零外

三省運商實納額引課一十四萬六千七百八十兩九分零而其中有額引課更名食鹽引課西安加增課之名又賑濟米價其名雖異實皆引課運使照引目徵收皆正課也其池灘地租銀七百九十三兩四錢二分零池灘地租小麥變價銀一百七十兩九錢八分零京書廩費銀

一百四十七兩一錢此出之於州縣地租非由商辦係雜課合共一十七萬一千七百二十八兩八錢零至於紙價批文解部關領引目此不

入奏冊者也贖銀無定額儘收儘解亦入奏冊
造報謹將正雜欵日分晰於後

一三省商辦額引並加增引三十五萬四千九
百八十七道零二分九釐每引徵課銀三錢九
分八釐六絲一忽五微零該正課銀一十四萬
千三百六兩七錢八分六釐五毫八絲八微
內有加增課銀八千二百七十八兩六錢一分
三釐二毫六絲九忽五微

一更名食鹽引舊額二千五百七十二引零九

十二勛除石樓改食本地煎鹽內減除商人引
四百一引一百四十八勛商人實行二千一百
七十引一百四十四勛每引額徵課三錢九分
八釐六絲一忽五微零該正課一千二十四兩

按商辦額引西安加增引更名食鹽引其名
雖異其實皆商辦之引今三省商辦皆照各
縣定額領引納課併無分別惟奏冊有此名
耳

一商課賑濟米價銀四千四百四十九兩三錢

八釐二絲五忽五微八纖此項每引徵銀一分
二釐零原爲額設撈採鹽丁米價而設故曰賑
濟米價同鹽課徵收自鹽歸商種丁不赴工順
治二年存畱解部內商辦銀四千四百四十二

兩八錢三分九釐五毫二絲七忽一微八纖山

西石樓縣解銀六兩四錢六分八釐四毫九絲

八忽四微鹽稅鳳課無米價者以鹽非鹽丁撈
採石樓有米價者以石樓原食解贖康熙十四
年始改食土鹽領池引五百二十道照例輸銀

一鳳翔府屬額引一萬六千三百引每引徵課
銀三錢九分八釐六絲一忽五微零該正課六
千四百八十八兩四錢

一太汾遼沁領引四萬三千九百八十五道九
分九釐每引額徵課銀三錢九分八釐六絲一
忽五微零該正課一萬七千三百四十八兩八
錢一分五釐二毫八絲四忽二微

以上六項共徵解銀一十七萬六百一十七
兩三錢九釐八毫九絲五微八纖皆按引徵

收出之於引也而額課加增課更名食鹽課
係運商辦共一十四萬六千七百八十兩九
分零至鹽稅並石樓更名食鹽則係太汾管
鹽同知遼沁知州經收鳳課則係知府督催
州縣經徵亦出之於引皆爲正課

一池灘地租銀七百九十三兩四錢二分一釐
六毫安邑縣徵收解銀六百五十兩二分一釐
六毫夏縣徵收解銀一百四十三兩四錢此項
向給散運營兵丁順治四年御史宋鼎延以運

營不設題明充餉

一池灘地租小麥變價銀一百七十兩九錢八分五釐一毫八絲六忽此項向收存以充養濟節孝等用順治四年部議養濟節孝自有存留不必又動麥租應存貯候撥係經歷徵解

一裁省京書廩費銀一百四十七兩一錢此項係曲沃縣徵解爲明巡鹽御史有京書隨行給其廩費而設順治九年裁解充餉

以上三項計一千一百一十一兩五錢六釐

七毫八絲六忽非出之於引非徵之於商而出之於州縣地租也係雜課合正課一十七萬六百一十七兩三錢九釐八毫九絲五微八纖共銀一十七萬一千七百二十八兩八錢一分六釐六毫七絲六忽五微八纖此河東鹽課原額春秋報候文撥解

額引加增徵收則例

一商人領引一名封納大課一錠重五十兩內正課四十八兩賑濟銀一兩五錢紙價銀三錢

六分一釐七毫五絲三忽多銀一錢三分八釐
二毫四絲七忽合額課二千七百八十八錠半
筭每年多三百八十五兩零名曰扣錠雍正六
年歸公充餉

一商人領加增引每引八張爲一把合十五把
爲一名封課四十六兩二錢四分五釐五毫五
絲五忽五微內正課四十四兩五錢一分八釐
八毫二絲五忽賑濟銀一兩三錢九分一釐二
毫一絲三忽紙價銀三錢三分五釐五毫一絲

七忽五微比額課每錠少銀三兩七錢五分四釐四毫四絲四忽五微雍正六年巡鹽御史碩色

題奏加增課錠亦照額課大錠五十兩徵收每年徵收加增課六百九十八兩二錢一釐五毫二絲八忽八微五纖

一商人領額引加增引每引納紙價三釐每年納紙價銀一千七十一兩四錢七分四釐又鹽稅解紙價銀一百三十一兩九錢五分五釐

課解紙價銀四十八兩九錢共合一千二百五十二兩三錢二分九釐皆隨正課徵收赴部領引時差吏批解戶部戶科每年給有批廻實收存案領增解安長武引並餘引皆有紙價按引徵解

一河東鹽務衙門向有河工銅觔水腳等名色雍正三年川陝總督帶管鹽務年羹堯

題請將河工銅觔各色併各衙門陋規俱行裁革惟於商辦額引加增引項下每引一名收官錢

十一兩收公務銀二十四兩零八分共收銀十萬四千三百四十一兩九錢四分九釐以五萬兩充餉餘作公用後巡鹽御史馬喀定有公務欸冊一本內開歲修渠堰銀五千兩都察院飯食四川寧夏西安將軍都統巡鹽御史運使運同經歷知事三場大使教授訓導典史巡檢把總等養廉各衙門書役弓兵巡役等工食又祭祀池神各廟歲科考文武生員花紅盤費鄉會場文武舉人貢監生員盤費以及解餉領引路

費皆逐款開明數目運使遵照支給年終造冊
呈巡鹽御史報銷

一官置昌零引一百一十二引向係運使發商
人運銷得銀一百零一兩八錢八釐不入正額
雍正六年歸公充餉

一解州三千四百引課銀一千四百六兩四錢

六分六釐六毫六絲紙價銀一十兩二錢官錢

公務銀九百九十三兩九錢三分三釐三毫三

絲共銀二千四百一十兩五錢九分九釐九毫

九縣內除紙價銀一十兩二錢實課銀二千四
百兩三錢九分九釐九毫九絲

一安邑縣五千三百引課銀二千一百九十二
兩四錢三分三釐三毫三絲紙價銀一十五兩
九錢官錢公務銀一千五百四十九兩二錢六

分六釐六毫六絲共銀三千七百五十七兩六
錢九分九釐九毫九絲內除紙價銀一十五兩
九錢實課銀三千七百四十一兩七錢九分九

釐九毫九絲解安引遵照部文儘銷儘運如有

餘剩仍行解部或作餘引行銷無定額

一長武縣八百四引係雍正八年新增照鳳翔例應徵課銀三百二十兩八分八釐紙價銀二兩四錢一分二釐仍留長武原額六百六十引給陝西能銷鹽地方商人作餘引行銷應徵課二百七十三兩零二分紙價銀一兩九錢八分官錢公務銀一百九十二兩九錢四分此係以額作餘仍入額引公務項支給俸工

餘引徵收則例

一雍正三年川陝總督帶管鹽務年羨堯請領
餘引十萬道接濟額引不敷之州縣行銷儘收
儘解每引一名納大課一錠重五十兩內無賑
濟惟納正課四十九兩五錢紙價三錢六分每
錠多銀一錢四分雍正六年歸公充餉其每名
納官錢十一兩公務銀二十四兩零八分與額
引同又每名輸公費銀六兩是部頒餘引十萬
道每年應收銀七萬五千六百兩九釐六毫六
絲雍正六年又增餘引二萬道共徵收餘引課

錠等銀九萬七百二十兩九釐六毫雍正七年
又增餘引三萬道共徵收餘引課錠等銀一十
一萬三千四百兩九釐六毫但餘引課無定額
儘收儘解

一贖鍰雍正二年七月內川陝總督年羹堯疏
稱河東巡鹽贓罰每年額銀九百兩先因額銀
不敷向以羨餘墊補臣思贓罰乃鹽徒之罪贖
安能必有定數自應獲多報多獲少報少部議
應如該督所題嗣後河東巡鹽贓變銀兩照每

年所獲多寡實數

題報等因奉

旨依議

一籽粒銀一十兩二錢六分三毫此明季送王
府食鹽停車之地我

朝定鼎以來革除食鹽其地給附近居民墾種絳

縣徵銀二兩一錢四分四釐聞喜縣徵銀一兩

九錢八分夏縣徵銀二兩八錢八分安邑縣徵

銀三兩二錢五分六釐三毫名曰鹽站籽粒批

解運庫向爲巡鹽御史給吏書紙筆之用雍正
六年歸入正項充餉

一蘆價銀一百一十七兩九錢七分五釐七毫
四絲此係護池盛水灘地坐落安邑縣湯里等
村附近居民種植蘆葦該縣徵收批解運庫向
爲巡鹽御史運使給吏書紙筆之用雍正六年
歸入正項充餉

按領引輸課自宋雍熙始課以錠計自元始
在運司領引納課自明弘治始元太宗庚寅

年始立平陽府徵收課稅所從實辦課每鹽
四十劬得銀一兩每鹽一引重四百劬價銀
一十兩世祖中統二年減銀爲七兩至元十
三年每引改爲中統鈔九貫二十六兩增爲
五十貫元正丙申每引增爲六十五貫至大
已酉至延祐乙卯七年之間累增爲一百五
十貫憲宗壬子年增撥一千八十五戶歲撈
鹽一萬五千引辦課銀三千錠中統三年以
太原民戶自煎小鹽歲辦課銀一百五十錠

五年又增小鹽課銀爲二百五十錠至元十年命撈鹽戶九百八十餘每丁撈鹽一石給工價鈔五錢歲辦鹽六萬四千引計中統鈔一萬一千五百二十錠延祐三年以池爲雨所壞止辦課鈔八萬二千餘錠天曆二年辦課鈔三十九萬五千三百九十五錠明洪武初鹽法開中於九邊每引價八分內地支鹽一引永樂中每鹽一引輸邊粟二斗五升成化稍增至二斗七升二合弘治中始行運使

招商輸課之法解部送邊河東每引納銀二錢一分嘉靖二十七年議淮河東正鹽四十二萬引每引納銀三錢二分該銀一十三萬四千四百兩除解宣府年例八萬兩外剩餘銀五萬四千四百兩併餘鹽二十萬引折銀六萬四千兩共餘銀一十一萬八千四百兩內除四萬三千一百一十六兩八錢徑解大同府補給代府祿糧其餘七萬五千二百八十三兩二錢俱解布政司抵補民糧及通融

變補祿糧嘉靖三十七年以六十二萬引爲
歲額除官吏俸鹽三百五十引王府食鹽二
千九十九引外一年辦課共計一十九萬七
千三百七十六兩迨開歸改食續增停免始
照舊時四十二萬引額徵課嘉靖四十年御
史鄆懋卿每引正鹽正課之外溢增浮課之
鹽二十勛歲歛四萬三百兩天啟六年大工
匱帑議增鹽課每引銀二錢共加銀八千四
百兩後又增鹽一萬二千引加銀四千兩充

新餉又加練餉銀七千解戶部是時課額加至一十九萬三千七十六兩有畸

國朝龍興以來恤愛商民食鹽更名變價解部實行引四十萬九千九百三十三道課額一十三萬一千一百七十八兩五錢六分以三

錢二分爲率十三年因軍需不給增引十萬以所有課錠三萬二千攤入四十萬九千九百三十三引之中每引該攤課七分八釐六絲一忽五微與前課三錢二分合核乃得引

價三錢九分八釐有畸歲額課銀一十六萬
三千一百七十八兩五錢六分十五年量加
鹽課以佐軍需每引加銀五分康熙十七年
按引復加課銀七分康熙十八年御史傅廷
俊以清查竈鹽酌加商引具

題山陝二屬共加引四萬四千七百六十一道
按引加課二萬三千一百八十八兩九錢五
分八毫零本年通核共徵引課二十三萬五
千五百五十九兩有奇康熙二十四年除

分加增課二十八年除七分加增課仍照順
治十三年定額每引止納三錢九分八釐零
後懷慶改食長蘆減除課一萬九千八百七
十三兩四錢實存正雜課銀一十七萬一千
七百二十八兩八錢一分六釐六毫七絲六
忽五微八纖此河東從前每年奏銷離規冊
正雜課一十七萬一千七百餘兩之定額也
今春秋季報正雜課每年約增十六七萬兩
不等皆由我

皇上澄清鹽法私派嚴禁商人之俯仰皆寬陋規俱

除

國家之正賦自裕也

勅修河東鹽法志卷之三

商人

河東之商有二一曰坐商一曰運商坐商四百
二十一名內十二錠者四十五名單月六錠者
一百九十名雙月六錠者一百八十六名十二
錠者曬哇雙號六錠者曬哇單號種哇收鹽納
課領引或賣與運商或賣與土販不事遠涉故
曰坐商今三省地方皆有商包運一切納課領
引皆係運商辦理坐商惟守場賣鹽是今之坐

商卽兩淮長蘆之竈戶也而今仍稱坐商者蓋以河東引目皆揚坐商錠名於是鹽場食利之徒空與錠名哇不澆曬且六錠原本一名而頂此名者有三四人五六人不等零星混雜稽查難清惟六錠歸一凡歸併商錠者哇卽隨之則坐商之籍清矣至於運商係認地住賣納課額引行銷之商也運商之中有錠坐足有哇澆曬商引商銷商鹽商運此良商也若借一錠名軟包地方或租於僱商或賣於小販此律所謂詭

立商名占窩取利者惟嚴禁軟包則運商之弊
清矣周禮天官太宰九職六曰商賈註曰行曰
商處曰賈是行運引鹽之商乃商也而河東坐
運兩商均謂之商志商人

坐商共四百二十一名

十二錠者四十三名六錠者三百七十三名不
足十二錠者二名不足六錠者三名舊例十二
錠商人每月依限納課一錠該五百一十六錠
六錠商人共三百七十三名分雙單月單月者

東修河東鹽法志卷之三
逢單月納課雙月者逢雙月納課共該二千二百三十八錠不足十二錠商人二名共十九錠零一百一十一引不足六錠商人三名該十五錠零五十九引正課大錠共二千七百八十八錠每錠合引一百二十道共合引三十三萬四千五百六十道每錠封課四十八兩其合課銀十三萬三千八百二十四兩又不能成錠零引一百七十道封課銀六十八兩二錢五分六毫八絲四忽五微加增小錠亦其二千七百八十

八錠每錠合引八道共合引二萬二千三百四
道每錠封課二兩九錢六分七釐九毫二絲一
忽六微共封課銀八千二百七十四兩五錢六
分五釐四毫二絲八微又不能成錠零引十二
道封課四兩零四分七釐八毫四絲八忽七微
以上正課加增按錠合引共三十五萬七千四
十六道皆有各限商名按限封課掣鹽其各錠
名下畸零鹽數不能歸錠餘出引一百一十二
道名曰官置昌共引三十五萬七千一百五十

八道共封課銀十四萬二千一百七十兩八錢
六分三釐九毫五絲四忽

種鹽納課領引舊係坐商之事誠恐坐商碎雜
頑良強懦不一納課則頑者居後掣鹽則強者
爭先故立限分雙單月以畫均平今課係運商
納惟照該商之額課納引歸運商領惟照該商
之額引領並未見運商有照坐商之限分雙單
月而始納始掣者若照舊依限納掣不惟羈遲
運發且恐有悞引課引課既係運商之事坐商

惟種畦賣鹽猶搨用坐商錠名者蓋以河東額引四十一萬七千四百四十三引太汾遼沁各屬并鳳翔府屬皆收鹽稅不由商人行銷故不搨錠名惟商人實行引三十五萬七千一百五十八引搨用錠名然解安額引八千七百道餘引十萬道皆係商人運銷又無錠可坐且餘引以不坐錠較額引行銷更易且一商全名分坐三省一錠之引折爲數處甚爲不便易曰易則易知簡則易從長蘆淮浙引搨運商之名易簡

之道也

運商

宋寶慶時監察御史趙至道言產鹽固籍於鹽戶鬻鹽實賴於鹽商故鹽戶所當存恤鹽商尤當優潤慶元之初歲爲錢九百九十萬八千有奇寶慶元年止七百四十九萬九千有奇乃知

鹽課之虧實鹽商之無所贏利也爲今之計惟禁陋規去浮派則商力寬而正賦足矣但河東運商有力者少而無力者多在地立店者少而

占高取利者多有一人而包數地有數人而包一地零星碎雜不時更換故無定數亦無定名此如寄食浮民買帖開行客來則招牌高掛客不投行無利可獲則亦落牌而去拖引累課責將誰歸甄別運商實關緊要惟坐運兩商合而爲一既有地方行銷又有池鹽運發則商皆殷實引課無悞矣又運鹽路有遠近必乘時和年豐天晴路乾多積鹽勛於住賣地方卽有旱乾水溢亦可接濟民食而無虞若一季止運一季

之鹽一年僅供一年之食萬一歲偶不登鹽價
昂貴天陰雨雪運發不前百姓必致淡食故運
商以積鹽爲貴